




ՊԱՇՏՈՆԱԿԱՆ

ՆՈՐԻՆ՝ ՄԵԾՈՒԹԵԱՆ

ՍՈՒԼԹԱՆ ԱՀՄԷԴ ԱՐԲԱՅԻՅ ԱՐԲԱՅԻՆ ԻՐԱՆԱՅ

Հնորհաւորում ենք Ձերդ Մեծութեան թագա-
դրութիւնը: Օրհնում ենք Ձեզ և մաղթում երկար
և փառաւոր կեանք թագաւորելու Ձեր նախնեաց
վեհապանծ պահի վերայ: Ձերդ Մեծութեան խնա-
մոցն ենք յանձնում Մեր հօտի այն հատուածը, որ
բազմ ունի Ձեր հպատակը լինելու:

Ծայրագոյն Պասրիարք եւ Կաթողիկոս
ամենայն Հայոց ԳԷՈՐԳ Ե.

Յուլիսի 8-ին Պարսկաստանի մայրաքաղաք Թեհրա-
նում մեծ շուքով կատարուել է ՍՈՒԼԹԱՆ ԱՀՄԷԴ Շահի թա-
գադրութիւնը: Ազգիս Վեհափառ Հայրապետն ուղարկել է
Շահի թագադրութեան առթիւ վերոյիշեալ շնորհաւորական
հեռագիրը:

Երիտասարդ ՍՈՒԼԹԱՆ ԱՀՄԷԴ Շահը ծնունդ է 1896 թ. Թաւրիզում, երբ նորա հայր նախկին Շահ Մուհամմէդ Ալին թագաժառանգ էր: Ներկայումս ՍՈՒԼԹԱՆ Ահմէդ Շահը 18 տարեկան է: Նա ներկայանում է Ղաջարների ցեղից 7-րդ Շահը: Երբ Մուհամմէդ Ալի Շահին 1909 թ. օգոստոս ամսին հեռացրին զահրից՝ անմիջապէս Շահ հրատարակուեց ՍՈՒԼԹԱՆ Ահմէդ դեռ ևս 13 տարեկան հասակում: Նա իւր կրթութիւնը ստացել է Թեհրանում: Գիտէ մի քանի օտար լեզուներ, որոնցից աւելի յաջող հասկանում է ֆրանսերէն լեզուով: Երիտասարդ Շահը սահմանադրական ձգտումներ ունի և համոզուած է՝ որ միայն լաւ հիմունքներով կազմուած սահմանադրական իշխանութիւնը կարող կը լինի գոհացնել ժողովրդեան:

ՆՈՐԻՆ ՎԵՀԱՓԱՌՈՒԹԵԱՆ ՏՆՅՐԷՆՈՒԹԻՒՆՆԵՐԻՑ

Կոնզակ գերապատիւ Տ. Բաղրատ եպիսկոպոսի անունով, որով առաջադրուեց արեղայ ձեռնադրել Տաճկաստանցի Յովհաննէս Ղ. Կարապետեանին: 3 յունիսի, թ. 803:

Նորին Վեհափառութեան մակադրութեամբ յանձնուեց ս. Էջմիածնի Սինօղին Նոր-Նախիջկանի Ս. Խաչ վանքի վանահայր Վահան վարդապետ Տէր Գրիգորեանի մայիսի 31-ի, թ. 23 յայտարարութեամբ ներկայացրած յօդուտ Դպրոցական ֆօնդի մի հազար (1000) ռուբլին Ս. Խաչ վանքի արգիւնքից: 7 յունիսի, թ. 812:

Նորին Վեհափառութեան մակադրութեամբ յանձնուեց ս. Էջմածնի Սինօղին նոյն Վահան վարդապետ Տէր Գրիգորեանի մայիսի 31-ի, թ. 24 յայտարարութեամբ ներկայացրած Մայր Աթոռի Գ. Հոգևոր Ճեմարանի օգտին հինգ հարիւր (500) ռուբլի նոյն վանքի արգիւնքից: 7 յունիսի, թ. 813:

Կոնզակ Երևանի փոխ-թեմակալ Տ. Խորէն եպիսկոպոսի անունով, որով հաստատուեցին Հոգևոր Դպրանոցի